



KEMENTERIAN PERTANIAN DAN KETERJAMINAN MAKANAN
Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpkm.gov.my

SIARAN MEDIA

FORUM EKSEKUTIF KEMERDEKAAN KEMENTERIAN PERTANIAN DAN KETERJAMINAN MAKANAN

KUALA LUMPUR, 17 OGOS 2023 – Kementerian Pertanian dan Keterjaminan Makanan hari ini menganjurkan Forum Eksekutif Merdeka bertajuk Tadbir Urus Terbaik Dalam Sektor Awam diberisi oleh dua orang ahli panel ternama iaitu Tan Sri Ambrin Buang, mantan Ketua Audit Negara dan Tan Sri Abu Kassim Mohamed, mantan Ketua Pesuruhjaya Pencegahan Rasuah Malaysia.

Penganjuran bertujuan bagi mengupas berkenaan isu dan cabaran dalam mendukung tadbir urus terbaik sektor awam bersama Fahrin Ahmad selaku moderator yang juga merupakan selebriti terkenal tanahair.

Program berlangsung di Dewan Tan Sri Abu Zahar, Menara Lembaga Pertubuhan Peladang (LPP) ini disempurnakan oleh Menteri Pertanian dan Keterjaminan Makanan, Datuk Seri Haji Mohamad bin Sabu, juga turut dihadiri oleh Timbalan Menteri, Tuan Chan Foong Hin, Ketua Setiausaha KPBM, Datuk Lokman Hakim Ali, serta barisan Pengurusan Tertinggi Kementerian, Jabatan dan Agensi KPBM.

Menerusi ucapannya, Mohamad Sabu menyeru kepada semua warga KPBM agar mengambil prinsip amanah sebagai paksi utama dalam memenuhi tanggungjawab dengan tadbir urus yang baik dan mencipta tatakelola MADANI yang selari dengan citra Malaysia.

Menurutnya tadbir urus terbaik amat diperlukan supaya lonjakan ke masa hadapan menjadi lebih pantas dan seiring zaman serta tidak sekadar mengekalkan status-quo yang lapuk.

Turut diadakan upacara Lafaz Ikrar Bebas Rasuah sebagai pembuktian bahawa warga KPBM komited dalam memerangi rasuah di peringkat kementerian. Majlis menandatangani Ikbar Bebas Rasuah ini turut disaksikan oleh Ketua Pengarah Suruhanjaya Pencegahan Rasuah Malaysia (SPRM), Tan Sri Azam Baki.

KEMENTERIAN PERTANIAN DAN KETERJAMINAN MAKANAN
17 OGOS 2023